

non adsignatur, *Ezechiel* Tomum
V. f. auspicatur.

CLVII.

R. 3314

Codex membraneus lat. Sec.
XIV. Folior. 323. f. maj. chara-
ctere crasso, atro per duas saepe
subdivisas columnas multis vocum
compendiis scriptus, coloribusque
distinctus hoc Rubro gaudet: In-
cipiunt glose super unum ex qua-
tuor magistri petri cantoris Pari-
siensis. Praefatio init: Quatuor fa-
cies vni erant. Sicut trinitas per-
sonarum unitati diuine effencie
non preiudicat. sic nec quaterna-
rius evangeliorum unitati eorum
&c. Magis infra consilium suum
explicat Autor: Horum auctori-
tate roborati IIII. evangelia in
unum compacta in unum propter
commodum auditorum et tempo-
ris breuitatem exponere proponi-
mus. Atque id ita exequitur, ut
rerum gestarum seriem secutus ini-
tio ab *Iohanne* ducto per *Lucam*
et *Matthaeum* ad *Marcum* per-
tingat, Textus evangelici par-
ticulis litera grandi ubique in-
sertis, ut adeo, quod jam supra
innui, in una pagina tres, quin
quatuor columnae passim occur-
rant. Vastum et egregium hoc O-
pus mirum quam latuerit Literato-
res, qui vix tribus verbis ejus me-
minere. Ad *Trithemii* manus non
pervenerat. *Lelongius* in priore
Syllabo Scriptorum biblicorum du-
os ejus Codices mss. sub nomine
Petri de Rems memorat; in po-
steriore vero numerat inter deper-

dita. *Oudin* T. II. col. 1665.
Codices *Oxoniensem*, *Cluniac.* et
Cantabrig. citat. Primam porro e-
jus mentionem fieri puto in *Chro-
nico Alberici* Cist. trium *Fontium*
Monachi, qui post a. 1246. clar-
uit, in *Access. Hist.* ab *Leibnitio*
1698. *Hanov.* editis T. II. p. 411.
4. ubi ad a. 1197. de Nostro:
Cantor Parisiensis Magister Petrus
*Doctor Theologus religione et bo-
nestis moribus famosus et clarus a-
pud Abbatiam Longipontis obiit.*
*Hujus habentur libri multi — U-
num ex quatuor innovatum &c.* Di-
xit innovatum, quod jam alii ante
illum το δια τεσσαρων scripsere. In-
duit vero *Petrus* monachum *Lon-
gipontanum*, ut *Episcopatum Tor-
nacensem* effugeret. *Rhemensem*
fuisse non puto. Confuderit illum
Lelongius cum *Petro de Riga*, et
in universum proclive est, turba-
ri aliquid inter plures *Petros* συ-
γγραφες, qui et *Galli* et *Scripto-
res* fuissent, puta *Nostrum*, *Riga-
num*, *Abailardum*, *Pictaviensem*,
Comestorem, *Blesensem*, *Lombar-
dum*, ceteros. Extrema Operis nun-
quam typis procusi sunt: *Hanc ul-
timam processionem* (ascensionem
ad coelum) *post ihesum represen-
tat ecclesia in dominicis diebus.* Ce-
tera require in fine hystoriarum.
Nempe evangelicarum. Accedit
Clausula: *Expliciunt glose IIII.*
evangeliorum collekte et excepte
cum labore super unum ex IIII.
*secundum Petrum Cantorem Pari-
sien.* et ab alia manu *Adplausus*
Librario:

*O flos scriptorum salue bene uate (sic) magister.
Nunquam tetrarum te terreat ordo sinister.*

Ad oram inferam Codex quondam fuisse dicitur *Plebani in Aucespach*.

CLVIII.

- U. 17 Codex chartaceus lat. Sec. XV. Folior. 303. f. per duas columnas probe scriptus, rubricis distinctus, atque a memorato *Thoma de Wuldersdarff* Collegio Ducali *Viennae* 1478. testamento legatus, est Pars I. *Postillarum Nicolai de Lira O. M. in Novum Testamentum*, seu IV. *Evangelia*. Titulus miniatus: *Commendacio legis ewangelice*. Initium: *Quatuor facies uni. Ezech. primo. Sciendum quod scribit beatus Gregorius &c.* Ad oram infimam calcis: *Explicit Nic. de lira super ewangelia* 20. die maij anno 1454.

CLIX.

- U. 418 Codex membraneus lat. Sec. XIV. Folior. 264. f. maj. per duas columnas saepe ob scripturae differentiam subdivisas exaratus; Textus enim character grandis est, Glossae minor, rubricis ornatus, et Ducali Collegio reliquus legato *Thomae Haselbachii* nostri est Pars prior *Expositionis, Catenae, Continui*, seu *Glossae a Thoma Aquinate in IV. Evangelia e PP. Dictis congeatae complexa Matthaeum et Marcum. Matthaeus dicatur Sanctissimo ac reverentissimo patri, domino urbano diu-*

na providentia papae quarto, et incipit: *Fons sapientie unigenitum dei uerbum &c.* Marcus vero fol. 199. *Reuerendo in christo patri domino anibaldo basilice XII. apostolorum uenerabili presbitero cardinali*, hoc initio: *Rerum opifex deus solo sue bonitatis intuitu &c.* Utraque *Catena* integra, prout extat Edit. *Rom. Opp. Thomae* 1570. T. XV. et *Parif.* 1660. T. XVI.

CLX.

Codex membraneus lat. Sec. U. 419 XIV. Folior. 276. f. maj. ejusdem rationis cum praecedente, cujus est Pars posterior, *Lucam* et *Johannem* exhibet, et prior quidem plenius incipit, quam Bibliothecarii Ord. Praed. T. I. p. 326. indicaverunt: *Inter cetera incarnationis christi misteria, que ysaia propheta diligenter et apte prenumciat, dicit: Induam celos tenebris &c.* Alter vero fol. 153. *Diuine uisionis sublimitate illustratus ysaia propheta dixit: Vidi dominum sedentem super solium &c.* Igitur nec hic rite retulerunt dicti Bibliothecarii, quos ceterum de Operis hujus ob praestantiam *Catena aurea* dicti, et jam inde ab anno 1470. saepius prelo subditi historia consules.

CLXI.